

## ■ ARLEF

**Nomine dal comitât tecnic**

Lunis ai 23 di Fevrâr, te sede di place XX Setembar a Udin, si metarà adun il consei di aministrazion de Agenzie regionâl pe lenghe furlane. Tal ordin dal di, il bilanç preventîf pal 2009 e la nomine dai gnûfs components dal comitât tecnic scientific de agenzie. I siei compits plui impuartants a son chei di meti dongje il program anuâl de ativitât de agenzie, i plans regionâi di politiche linguistiche, esprimi parês e diretivis su lis azions di competence des aministrazions publichis sul ûs de lenghe furlane te ativitât istituzionâl e tai rapuarts cui citadins, sui programs scolastics pal insegnament de lenghe furlane, organizâ cunvignis, seminaris, incuintris di studi e cjapâ sù ogni altre iniziative par promovî il scambi di cognossincis e l'aprofondiment scientific e culturâl des materiis ogjet dai fins statutaris de agenzie. Pal president de Arlef, Lorenzo Zanon, al sarâ dificil rivâ ae nomine te sentade di lunis ai 23, plui probabile dentri des zornadis seguitivis.

E.A.